

## 16. Chum mir wei ga Chrieseli gwünne

1. Chumm, mir wei ga Chrieseli gwünne,  
Weiss am'ne Ort gar grüseli viel;  
Roti, schwarzi, gibeligälbi,  
Zwöi bis drü an einem Stiel.  
Valleri, valleri, valleri valleri,  
Zwöi bis drü an einem Stiel.
2. 's liegt nit alles an einem Paar Hose,  
's liegt nit alles an einem Paar Schueh.  
's isch nid alles a der Hübschi gläge.  
's liegt viel meh am ordeli Tue.  
Valleri valleri, valleri valleri,  
's liegt viel meh am ordeli Tue.
3. Bi nit rych uf dieser Ärde,  
Bi nit hübsch von Angesicht.  
's muess mir doch o eine wärde;  
Gott verlaht die Wüeschte nid.  
Valleri valleri, valleri valleri,  
Gott verlaht die Wüeschte nid.